

# TOPOGRAPHIA VRBIS ROSTOCHII DESCRIPTIO D. PETRI LINDEBERGII R.



**R**OSTOCHIVM, quæ olim Lacinium, & corruptè Rhodopolis & Laciburgium vocata, vrbs est Vandalica, Anseatica, Maritima & Megapolitana, & præ multis alijs Germaniæ, cuius hæc ad Boream limes, vrbibus præcipuis, litterario simul & mercatorio emporio clarissima. Megales-poleos Principibus semper paruit, à quorum Maioribus circa epochè Christianæ annum 329. leuibus in itijs instar pagi ad Varnam amnè condita, & postea à Godescalco Obetrarum Rege in oppidulum cōuersa, ac demum anno Dei hominis 1160. à Pribislaou seu Primislaou II. Nicoloti filio, & Obetrarum seu Herulorum Rege quadragesimo & vltimo, ex vicinæ, & tūm ab Henrico Leone defolata, vrbs Kesslini, (terræ Lacinia metropolis) ruderibus, muro cincta, fossâ munita, inque vrbs formam est instaurata.

Nomen vrbs Vandalicum est, diuisionem seu dissolutionem aquartum significans. Et Rostoch vel Rostoch olim fuit appellatum, vt Polonia historiographi, qui terram vlginosam vocabulum illud interpretantur, & sigillum vrbs maius adhuc attestantur. Alij, à vicino vrbi Rosarum horto & fragrantibus rosis, nomen deducunt, vt esset Rostoch q: Rosenstoch. Quibus ego non subscribo, quòd sententia eorundem nec auctoritate nitatur nec rationibus, & vrbs antiqua longè ante Rosarum hortum sit condita. Alij, vt laudatissima vrbs Massilia Græcum nomen à piscatoriâ naue & portus commoditate ortum, ita hanc vrbs nominatâ existimant à columna rubeis insignibus notatâ, ad quam pisces propter fluminis & propinqui maris vbertatem in vicinâ habitantes vsitato more soliti sunt conuenire. Vt esset Rostoch q: Rodstoch. Alij alias vocabuli comminiscuntur interpretationes, quas lubens prætereo.

Vrbs partes tres sunt. Antiqua, quæ tribus templis, nimirum D. Petri, D. Nicolai, & D. Catharinæ, nec non Iurisconsultorum collegio insignis est. Media, quæ brachio Varnæ ab Antiquâ separata, templis D. Mariæ, D. Ioannis, nec non Curia & Graphæo, pulcherrimisq; ædificijs & ciuium flore splendet. Et Noua, quæ collegiatâ D. Iacobi Ecclesia, tribusq; alijs, Spiritui Sancto, D. Michaëli, & S. Cruci dicatis templis, nec non Academiæ Collegijs octo exornatur.

Longitudo vrbs 2166. passuum est, latitudo 825. ambitus 5500. si passum vlnæ æquipares. Ac parùm distat longitudine sua ab Imperiali Lubecâ, quæ 2130. passus longa, & 1300. fèrmè lata est.

Fora Vrbs tria sunt. Forum Vetus, in quo cum plaustris rustici, lignis, carbonibus, hordeo, & id genus mercimonijs diuenditis, meridiari solent. Forum Medium, in quo semel quotannis, exactis Pentecostes ferijs nundinæ expediuntur, & quotidie omnis generis merces, & quæ ad quotidianū vsum necessaria sunt, venalia habentur. Et Forum Lupuli, quod & Forum Equarium, & Forum latinum dicitur. Lupuli: à lupulo, qui in eo mercede inscribitur. Equarium: ab equis, qui stato tempore in eo venduntur. Latinum: à circumiacentibus collegijs, in quibus Latina & Græca linguæ traduntur.

Ædificiorum, pro more harum regionum, vltra mille sunt fastigiata, reliqua numero in numero innumera transversa omnia, ac ex hisce coniunctis 250. Zythi coquendi priuilegio donata.

Vici seu Plateæ, ab vno angulo ad alterum computâdo, centum & quadraginta fèrè numerantur. Quarum nonnullæ à portis vicinis nomen acceperunt, vt Lapidea, Cygnea, Bramouiensis &c. Quædam ab inhabitatoribus, vt platea Piscatorum, Fabrorum, carnificum, &c. Quædam à familijs vrbs principibus, quæ eas aut primitus incoluerunt, aut etiam magna ex parte excitarunt, vt platea Monachorum, Cosfeldiorum, Lagestratorū, VVokrendiorū, Eselfotorum, & Snickmannorū. Quædam à situ & euentu, alijsq; nescio quib. rebus, nomenclaturas ad posterum transmiserūt, vt platea lōga, lata, aspera, angusta, vaccinea, sanguinea, aquatica, aurea, &c.

Portæ Vrbs, quæ vehicula admittunt, olim septē fuerunt, hodie duabus obturatis quinque restât. D. Petri, quæ in Pomeraniam itur. Molitorum, quæ in Marchiam profectio instituitur. Lapidea, quæ Cygneam & Bucephaleam, Kropelinensis, quæ VVismariam ac Lubecam. & Bramouiensis, quæ Varnæ mundam proficiscitur. Præter has sunt quatuordecim aliæ, quæ singulæ à plateis suis & Varna fluuiio, quæ ducūt, nomenclationē meruere.

Pontium, extra vrbs negotiationis & aplicationis gratiâ supra Varnam eudctorum, consumpto vetustate vno, sex supersunt, & totidem intra vrbs, qui è nouâ in veterem ciuitatem com meatibus sunt superandi.

Ciues seu incolæ Vrbs, etsi ad seditionem admodum proni, tamen pleriq; sunt culti, multoq; multis mediterraneis cultiores, cum quia iuuenes in alijs etiam lōginquis Academijs bonis litteris operam dederunt, tūm quia longissimè nauigant, non solūm ad Septentriones, vbi omnia purantur esse horridiora, sed etiam ad ea loca, in quibus alij alijs sunt politiores. Quòd autem iudicia quorundā *υπεροπικα*, à litteratis & litteris sint alieniora, id paucorum tenebrionum culpa accidit, qui petulantia suâ & nocturnis tumultibus bonos homines sæpe offendunt. Sane præcipuorum Ciuium eximia est erga litteratos beneuolentia, & pleriq; etiam suos liberos, nullis parcentes sumptibus, ad studia litterarum adhibent. Cuius rei testes sunt tot præstantes & clarissimi viri, hæc in Vrbe nati, qui partim in hac repub: patriâ & vicinis, partim in potentissimorum Regum & Principum aulis, consilia gubernationis regunt, partim Ecclesias & Scholas gubernant.

Mercatura seu negotiatio maritima magna dedit Vrbi huic incrementa, & ciuium multos ad insolitam opulentiam euexit, qui farinam & cereuisiam in Daniam, Norvegiam, Islandiam & Sueciam: Olyram, triticum & asseres Noricos in Belgicum, Scotiam, Britanniam, Galliam, Hispaniam, Italiam, aliasque amplissimas Europæ regiones summâ copiâ important, & vicissim ex illis butyrum, pecudes, pisces muriaticos & induratos, ligna, trabes, tabulas quercinas, pineasq; ferreas laminas &c. Ex his sal, aromata, pannum, varia vina, eaque pretiosissima reducunt, & magno cum lucro diuendunt.

Cereuisia Rostochiensis, cuius plus minus 250000. tonne, ab 250. certis tantum Zythepis quotânis coquuntur, & longè lateque nauigijs auhuntur, cunctis septentrionalibus, ob bonitatem & excellentiam saporis, præstantior & salubrior est. Ac vt inter vina Germanica Rhenense, sic hæc fèrè omnib. alijs antecellit, optimè nutrit, vires corporibus addit, robustos efficit, aliquot annos, præsertim Martiana durat, & si modicè, quantum nimirum cuiusuis natura, non gula expetit, bibatur, mirificè principalia membra coroborat, confortatque.

Numerum